



MIDVIKUDAGUR 16. OKTÓBER 2013  
20. TÖLUBLAÐ 1. ÁRGANGUR  
**DAGSKRÁRBLAÐ STÖÐVAR 2**



### HEIMSÓKN

Sindri heimsækir Agnesi  
M. Sigurðardóttur í kvöld.



### ÍSLAND GOT TALENT

Frábær þátttaka í  
áheyrnarprufum.



### LÍÐIÐ MITT

Nýr körfuboltaþáttur  
með Sverri Bergmann.

# ÆTLAR EKKI Í TÁRADALINN

SPJALLÞÁTTURINN KOLLA MEÐ  
KOLBRÚNU BJÖRNSDÓTTUR HEFST Í KVÖLD

krakkar

GULL

BÍÓ

SPORT

SPORT 2

3

## ÓMISSANDI Í VIKUNNI



**GREY'S ANATOMY**  
Miðvikudag kl. 21.00



**SÆLKERAFERÐIN**  
Fimmtudag kl. 20.05



**LOGI Í BEINNI**  
Föstudag kl. 19.45



**SPAUGSTOFAN**  
Laugardag kl. 19.30



**HOMELAND**  
Sunnudag kl. 21.05



**UM LAND ALLT**  
Mánudag kl. 20.05



**BONES**  
Þriðjudag kl. 21.15

# HEIMSÓKN Í BISKUPSGARÐ

**HEIMSÓKN**  
Kl. 20.10 miðvikudaga

Sindri Sindrason heimsækir biskup Íslands, frú Agnesi M. Sigurðardóttur, í þætti kvöldsins. Agnes býr í Biskupsgarði við Bergstaðastræti, gömlu og fallegu húsi sem lengi hefur tilheyrt biskupssembættinu.

„Það var mjög gaman að heimsækja Agnesi. Þegar maður gekk inn í húsið var það eins og að koma inn í danskan, gamaldags glamúr. Það er allt óbreytt frá fyrstu tíð, ótrúlega fallegt og vel við haldið. Greinilegt að það hefur verið vandað til í upphafi,“ segir Sindri.

„Agnes kom mér skemmtilega á óvart, hún er blátt áfram og alúðleg. Hún tók mjög vel á móti mér. Hún er móðir og amma. Þegar ég spurði hvort barnabarnið fengi að valsa um, svaraði hún því til að hann sæti yfirleitt rólegur með iPad ömmunnar.“

Biskupsgarður á mikla sögu sem Agnes segir frá en ríkið keypti húsið árið 1967.

Í næsta þætti fer Sindri til Elísabetar Ásberg listakonu. Þau fara saman í heitan pott með kampavín í glasi. „Ég reyni að hafa þættina fjölbreytta og ólíkt fólk sem ég heimsæki. Í þarnaða þætti heimsæki ég síðan skátahöfðingja Íslands, Braga Björnsson,“ segir Sindri.



Frú Agnes M. Sigurðardóttir, biskup Íslands, tók vel á móti Sindra þegar hann bankaði upp á.

## BYRJADÍ SNEMMA AÐ VERA FYRIR Í ELDHÚSINU

Matreiðsluþættirnir **Í eldhúsinu hennar Evu** hefja göngu sína á Stöð 3 á mánudag. Þar mun Eva Laufey Kjarian þreita frumraun sína í sjónvarpi en hún hefur getið sér gott orð fyrir girnilegt matarblogg sem fjöldi manns skoðar á degi hverjum.

**3 Í ELDHÚSINU HENNAR EVU**  
Kl. 20.45 mánudaga

Matreiðsluþættirnir verða átta talsins og verða á dagskrá í hverri viku fram að júlum. „Ég legg áherslu á einfaldan heimilismat sem ég ólst upp við og verð ýmist með forrétt, aðalrétt, eftirrétt eða bakstur. Í sumum þáttunum geri ég einn rétt en í öðrum fleiri,“ segir Eva Laufey Kjarian Hermannsdóttir. Réttina er flesta að finna í fyrstu matreiðslubókinni hennar, Matargleði Evu, sem kemur út í næsta mánuði.

Eva Laufey stundar nám í viðskiptafræði við Háskóla Íslands en hefur lengi haft brennandi áhuga á matargerð. „Skólinn fær að fljóta með,“ segir hún og hlær. Eva Laufey segir móður sína og móðurömmu hafa smitað sig af matargerðaráhuganum. „Þær eru báðar listakokkar og ég byrjaði snemma að vera fyrir þeim í eldhúsinu,“ segir Eva, en þættirnir eru einmitt teknir upp í eldhúsi móður Evu á Akranesi sem gefur þeim heimilislegt yfirbragð.

Í fyrsta þættinum verður ítalskt þema og fylgjast áhorfendur með Evu töfra fram dýrindis ítalskar kjötbollur. Hér fylgir uppskrift að eplapæ.

### EPLAPÆ

Fyrir 6–8

200 g smjör  
200 g sykur  
175 g hveiti  
100 g haframjöl  
100 g dökkt súkkulaði  
Kanill  
5–6 græn epli

Hnoðið saman hveiti, sykur, haframjöl og smjör. Skrælið eplin, skerði í litla bita og setjið í skál. Stráið kanil yfir og blandið vel saman. Smyrjið eldfast mót og rafið eplum í það. Saxið súkkulaði og stráið yfir. Myljið hveitiblönduna yfir. Bakið við 200°C í 30–35 mínútur. Berið fram með þeyttum rjóma, ís og karamellusósu.



Eva Laufey hefur haldið úti matarblogginu [www.evalaufeykjaran.com](http://www.evalaufeykjaran.com) um nokkurra ára skeið og nýtur það sífellt meiri vinsælda.



## BONES KRYFUR FLEIRI BEIN

**BONES**  
Kl. 21.15 á þriðjudögum

Fyrsti þáttur í áttundu þáttaröðinni af Bones verður sýndur næstkomandi þriðjudag. Í þessum stórskemmtilegu þáttum er sem fyrr fylgst með störfum dr. Temperance (Bones) Brennan réttarmeinafræðings, sem kölluð er til ráðgjafar í allra flóknustu morðmálum FBI. Brennan vinnur náð með rannsóknarlögreglumanninum Seeley Booth og fella þau hugi saman þrátt fyrir afar mismunandi gildi. Brennan stendur fyrir vísindi, sannanir og trúleysi en Booth fyrir trú, guð og hið ósannaða.

Þættirnir eru lauslega byggðir á lífi rithöfundarins og réttarmeinafræðingsins Kathy Reichs sem einnig framleiðir þættina. Raunar byggist persóna Temperance Brennan á söguhetju úr glæpasögum Reichs. Í þáttunum skrifar dr. Brennan síðan glæpasögur um réttarmeinafræðing að nafni Kathy Reichs.

Aðdáendur þáttanna geta hlakkað til því níunda serían hefur þegar verið mynduð og fyrsti þátturinn var frumsýndur í Bandaríkjunum í september.



## VALA FER TIL SUÐUREYRAR

**SÆLKERAFERÐIN**  
Kl. 20.05 fimmtudag

Valgerður Matthíasdóttir heldur áfram Sælkeriferð sinni um landið þar sem hún leitar uppi faldar matarperlur. Annað kvöld heimsækir hún Suðureyri við Súgandafjörð og Snæfellsnesið og bragðar meðal annars bestu fiskisósu sem hún hefur fengið. „Við fáum dásamlegan glænýjan steinbít í ævintýralega góðri koníaksósu. Svo fylgjumst við með matarsmökkunarferð um þorpið og lærum að gera svokallað „ceviche“, sem er hrár fiskur með kryddi. Einnig förum við á Snæfellsnes í krúttlega pínulítla Fjöruhúsið sem er alveg niðri við sjóinn í ótrúlegri náttúrufegurð og þar fáum við dýrindis skyrtertu á pallinum í fjörunni,“ segir Vala.

Það er mikil gróska í matargerðinni um allt land og í þáttunum eru bæði veitingastaðir og litlir framleiðendur heimsóttir.

„Við heimsækjum margt ungt fólk sem hefur leitað aftur í heima-hagana eftir að hafa búið í Reykjavík eða erlendis árum saman og sækir aftur í þetta ferska hráefni sem við eigum hér á Íslandi. Við skoðum staðina og kynnumst viðmælendum sem síðan búa til dásamlegan rétt í lok þáttar. Þannig fáum við alls konar hugmyndir og lærum ný trikk í eldhúsinu, sem mér finnst alltaf svo æðislega gaman,“ sagði Vala í viðtali við Stöðvar 2 blaðið fyrir stuttu.

Sofía Vergara hefur verið tilnefnd til þriggja Golden Globe-verðlauna og fernra Emmy-verðlauna fyrir leik sinn í Modern Family.

**MODERN FAMILY**  
Kl. 20.05 þriðjudag

## KYNPOKKAFULL Í NÚTÍMA-FJÖLSKYLDU

Leikkonan Sofía Vergara fer með hlutverk Glóríu í hinum geysivinsælu og verðlaunuðu þáttum Modern Family. Fyrir hlutverk sitt hefur hún verið tilnefnd til þrenna Golden Globe-verðlauna og fernra Emmy.

Sofía Vergara er 41 árs, fædd 10. júlí 1972 í Barranquilla í Kólumbíu. Hún vakti fyrst athygli í spænsku sjónvarpi árið 1990. Fyrsta hlutverk hennar á ensku var í myndinni Chasing Papi árið 2003. Þar á eftir lék hún í kvikmyndunum Tyler Perry, Meet the Browns og Madea Goes to Jail. Líklega er hún þó frægust fyrir leik sinn í sjónvarpsþáttunum Modern Family.

### Dramatík í einkalífi

Hún ólst upp með fimm bræðrum og einni systur og var fjölskyldulífið fjörukt, enda hittist stórfjölskyldan oft eins og tíðkast hjá spænskumælandi ættum. Sofía gekk í hjónaband 18 ára en skildi tveimur árum síðar. Hún hætti undirbúningsnámi fyrir tannlækningar eftir þrjú ár í háskólanum í Kólumbíu til að starfa við fyrirsætustörf. Fljótlega eftir það ákvað hún að flytja til Miami í Bandaríkjunum vegna óróa í heimalandinu. Eldri bróðir hennar var myrtur eftir að honum hafði verið rænt í Kólumbíu árið 1998. Með henni fluttu sonur hennar, Manolo, sem er fæddur 1992, móðir hennar og systir, Sandra, sem einnig er leikkona.

Árið 2000 var Sofía greind með krabbamein í skjaldkirtli sem var fjarlægður í kjölfarið. Hún náði fullum bata. Á síðasta ári var tilkynnt um trúlofun hennar og kaupsýslumannsins Nicks Loeb.

### Flókin fjölskylda

Þættirnir Modern Family voru frumsýndir 2009 og hafa náð miklum vinsældum um allan heim. Þeir fjalla á gamansaman hátt um þrjár tengdar fjölskyldur. Þar leikur Sofía Vergara ástríðufulla eiginkonu Jays Pritchett. Hann á tvö fullorðin börn frá fyrra hjónabandi, Claire og Mitchell, en einnig ungan son, Fulgencio með núverandi konu sem kom með son sinn Manny, 14 ára, í sambandið. Claire er gift og þriggja barna móðir. Bróðir hennar, Mitchell, er samkynhneigður og hefur ásamt manni sínum ættleitt barn, Lily, frá Víetnam. Þetta er því sannkölluð nútímafjölskylda.



**109.900,-**

**UPPLEVA 40" snjallsjónvarp**

Hvítt. *Fæst einnig svart*

**BESTÅ/UPPLEVA samsetning 240.000,-**  
m/40" snjallsjónvarpi og 2.1 hljóðkerfi

**5**  
ára  
**ÁBYRGÐ**

UPPLEVA snjallsjónvörpum og hljóðkerfum fylgir 5 ára ábyrgð án aukakostnaðar.

Verzlun opin **11-20** alla daga - Veitingastaður opinn 9:30-19:30 - [www.IKEA.is](http://www.IKEA.is)

# Snjallara svefnherbergi



Með UPPLEVA línunni og BESTÅ hirslum sameinar þú sjónvarp, hljóðkerfi og húsgagn. Útkoman er heildarlausn sem gerir stofuna stílhreinni með földum snúrum, þráðlausu bassaboxi og öllu er stjórnað með einni fjarstýringu. Upplifðu UPPLEVA í versluninni og kynntu þér tæknina á [www.IKEA.is](http://www.IKEA.is)





Mikill fjöldi Reykvíkinga mætti í Fjölbrotarskólann í Breiðholti um helgina til að sýna listir sínar og freista þess að komast í þáttinn. Frestur til að senda dvd-disk með atriði rennur út 25. október.

## MÖRG FRÁBÆR ATRIÐI

Áheyrnarprufum fyrir Ísland Got Talent lauk um helgina þegar Reykvíkingar léku listir sínar. Þar með lauk hringferðinni um landið og brátt liggur fyrir hvaða atriði komast í þáttinn. Prufurnar hafa gengið mjög vel og ljóst er að margt hæfileikafólk leynist um land allt.

Vegna fjölda fyrirspurna hefur verið tekin ákvörðun um það að þeim sem sáu sér ekki fært að koma í áheyrnarprufurnar og hafa áhuga á að taka þátt gefst kostur á að senda mynddisk með atriðinu sínu

fyrir föstudaginn 25. október.

Stjórnandi þáttanna verður hinn góðkunnni Auðunn Blöndal, sem er sjálfur mikill áhugamaður um hæfileikakeppni.

Dómarar verða Bubbi Morthens, Þorgerður Katrín, Þórunn Antonía og Jón Jónsson.

Þeir sem hyggjast senda inn atriði þurfa að láta nafn, aldur, símanúmer og netfang fylgja.

Umslagið skal merkja svona:

365 c/o Ísland Got Talent  
Skaftahlíð 24  
105 Reykjavík

### ÁHORFANDINN

**Elma Stefanía Ágústsdóttir leikkona er aðdáandi Ástríðar númer eitt**



## HEILLANDI MISHEPPNUÐ

„Þættirnir um Ástríði eru æðislegir. Ilmur er frábær leikkona og þættirnir eru svo vel skrifaðir, fyndnir og vel gerðir. Það er alltaf gleðilegt þegar svona vel tekst til,“ segir Elma Stefanía Ágústsdóttir leikkona. Hún er eldheitur aðdáandi þáttanna um hina seinheppnu Ástríði sem sýndir eru á Stöð 2.

Hún segir þá sem láta þættina fram hjá sér fara missa af miklu.

„Þetta er svo gaman. Ástríður sjálf er minn uppáhaldscharakter í þáttunum og samband hennar við frænda hennar, sem hún býr með, finnst mér ótrúlega skemmtilegt. Það sem er mest heillandi við Ástríði er einmitt hvað hún er óheillandi. Hún getur verið svo leiðinleg og misheppnuð og allir þessir ótrúlegu hlutir sem hún gerir þegar hún panikkerar eru brílljant. Eins og að leggjast í gólfíð og þykjast vera sofandi þegar fyrrverandi kærastinn kemur í heim sókn frá Danmörku! Algerlega absúrd en brílljant um leið.“

Elma Stefanía sá ekki fyrstu seríu þáttanna um Ástríði og á því ómælda skemmtun inni.

„Ég var bara að uppgötva þennan fjársjóð sem Ástríður er en ég verð að komast yfir fyrstu seríuna, ekki spurning. Ég mun gera það um leið og ég hef tíma og leggst þá í Ástríðarmarabon.“

# SÖGUR OG SIGRAR

Margir hafa miklar mætur á **Kolbrúnu Björnsdóttur** eftir að hafa vaknað við þægilega rödd hennar í Bítinu á Bylgjunni í sex ár. Nú kemur hún áhorfendum á óvart í spjallþættinum Kollu.

**KOLLA**  
KI. 20.25 í kvöld

„Ég er alveg nógu sterk á taugum til að fjalla um viðkvæm málefni en ætla mér ekki ofan í táradalinn til að dvelja við eynd, sorg og dramatík,“ segir Kolla um spjallþáttinn sem hún segir verða notalegan, fræðandi, mannlegan og smekklegan.

„Ég vil frekar tala um sigur og lausnir og vil að áhorfendur geti speglað sig í viðmælendum mínum án vorkunnsemi. Þeir eiga miklu frekar að dást að gestum mínum og finna frá þeim hvatningu,“ segir Kolla full tilhlökkunar.

„Áhorfendur eiga von á fróðlegum þáttum sem skilja eitthvað eftir og hugsanlega geta þeir lært eitthvað af þeim. Efnistöð einstakra þátta verða þematengd og eiga sameiginlegt að vera sammanleg og varða manneskjuna í heild, með tilheyrandi reynslusögum og viðtölum við fagaðila,“ útskýrir Kolla sem þessa dagana er á kafi í áskorunum um efni sem fólki er hugleikið.

„Sem stjórn málafræðingur sný ég nú baki við pólitísku argaþrasi og ríð á vaðið með málefni stjúpmaðra. Gestir mínir í kvöld eru Valgerður Halldórsdóttir, formaður Félags stjúp-fjölskyldna, og Sigríður Dögg Auðunsdóttir, ritstjóri Fréttatímans, sem fengið hefur mikil viðbrögð við pistlum sínum um stjúpmaður-hlutverkið. Í næstu viku beini ég spjótunum að meðvirkni sem margir kannast við en vita ekki alltaf hvernig á að tækla,“ upplýsir Kolla.

Hún segir þátt sinn vafalaust hafa verið flokkaðan sem kvennaþátt fyrir tuttugu árum

og hún gerir ráð fyrir að fleiri konur en karlar muni horfa.

„Karlmennt hafa þó alltaf verið forvitnir um það sem konur tala um og viljað fylgjast með enda eru þeir einnig stjúpfóreltrar, meðvirkir og hafa sínar sögur að segja.“

Kollu hefur reynst auðvelt að fá viðmælendur í þáttinn þótt umræðuefnið geti verið viðkvæmt.

„Ég er afar þakklát og mér er mikils virði að fólk treysti mér til að fjalla um persónulega reynslu sína og viðkvæm málefni. Ég bý vitaskuld að ómetanlegri reynslu eftir sex ár í morgunútvarpinu þar sem ég kynntist ótal mörgum og fólk komst að raun um fyrir hvað ég stend,“ segir Kolla sem nú stendur á þeim krossgötum sem skilja að útvarp og sjónvarp.

„Sjónvarp væri hinn fullkomni miðill ef hægt væri að vinna með grímu. Mér þótti notalegt þegar fólk þekkti bara röddina mína og því skelfir sviðsljósið mig dálítið með allri sinni opinberun, en ég læt mig bara hafa það,“ segir Kolla og brosir sínu sólskinsbrosi.



## STEFÁN HILMARSSON SPURT & SVARAÐ



Stefán Hilmarsson og Arsene Wenger, knattspyrnustjóri Arsenal, árið 2002.  
MYND/ÚR EINKASAFNI

# ARSENAL ER LIÐIÐ MITT

**Stefán Hilmarsson** söngvari hefur haldið með Arsenal alla tíð og farið á nokkra leiki með félaginu undanfarin ár. Dennis Bergkamp er besti leikmaðurinn sem leikið hefur með liðinu að hans mati.

### Hvenær byrjaðir þú að halda með Arsenal?

Líklega var það veturinn 1971-1972. Mig minnr að móðir mín hafi fært mér búning frá London. Það var hending að sá var búningur Arsenal. Nafn liðsins var gleymt þegar heim var komið og búningurinn ómerktur, fyrir utan lítið fallbyssumerki í hjartastað. Það tók mig nokkurn tíma að komast að því hvert liðið væri, því á þessum tíma var lítið sýnt frá enska boltanum.



Dennis Bergkamp er uppáhaldsleikmaður Stefáns Hilmarssonar hjá Arsenal. Hann lék með liðinu frá 1995 til 2006.  
MYND/AFP

### Hvaða tímabil í sögu liðsins eru eftirminnlegust?

Eftir að maður komst til vits og byrjaði að sprikla í fótbolta var Arsenal liðið mitt, þökk sé búningnum góða, sem þá var reyndar orðinn of lítill. Það var erfitt framan af því Liverpool var þá yfirburðalið. Eftirminnlegasta tímabilið var löngu síðar, auðvitað 2003-2004, þegar Arsenal tapaði ekki leik í deildinni.

### Hverjir hafa verið uppáhaldsleikmenn þínir hjá félaginu?

Ég held alltaf mikið upp á hörkutól og baráttumenn eins og Adams, Keown, Winterburn, Vieira og Parlour. En auðvitað hefur maður hrifist af fimari mönnum á borð við Brady, Rix, Sansom, Merson, Fabregas, Wright, Henry, Wilshere, Pires og Bergkamp, sem mér finnst sá besti sem leikið hefur með liðinu, að meðtöldum John Jensen.

### Hefur þú farið á leiki með liðinu?

Ég hef farið á nokkra leiki, bæði á Highbury og Emirates. Einnig sá ég úrslitaleiki í Evrópukeppnum árin 2000 og 2006. Sá eftirminnlegasti er þó síðasti heimaleikurinn 2002, hvar liðið kjöldró Everton og hampaði bikarnum að leik loknum. Fyrir þennan leik hitti ég, fyrir atbeina vinar míns, Kjartans Björnssonar hárskera frá Selfossi og stofnanda Arsenalklúbbsins á Íslandi, þá Arsene Wenger knattspyrnustjóra og Robert Pires.

### Hvernig líst þér á liðið í vetur?

Mér líst satt að segja illa á veturinn, óttast að þetta verði svipað basl og undanfarin tímabil. Ég er þeirrar skoðunar að kominn sé tími á stjóraskipti. Ég skil ekki hvað er í gangi hjá klúbbum og deili þeirri tilfinningu með mörgum stuðningsmönnum. Leikmannakaup undanfarinna ára endurspeglar ekki mikinn metnað og það virðist ekki vera að breytast.


## MYND HELGARINNAR

### TAKEN 2 Kl. 22.25 Laugardag

Stórgóð spennumynd með Liam Neeson í hlutverki fyrrverandi leyniþjónustumanns sem lendir í baráttu upp á líf og dauða við hættulega mannræningja.


### THE YOUNG VICTORIA Kl. 20.40 Laugardag

Dramatísk mynd um Viktoríu Englandsdrottningu, leið hennar á valdastól og ekki síst farsælt ástarsamband hennar við Albert Prins. Aðalhlutverkin leika Emily Blunt, Rupert Friend og Paul Bettany.



### WALLANDER - FIFTH WOMAN Kl. 20.40 Laugardag

Spennandi sakamálamynd þar sem Kenneth Branagh fer með hlutverk rannsóknarlögreglumannsins Kurts Wallander.




### BATTLESHIP Kl. 22.35 Föstudag

Spennu- og hasarmynd frá 2012 með Taylor Kitch, Alexander Skarsgård, Rihanna, Brooklyn Decker og Liam Neeson í aðalhlutverkum.



## 10 BÍÓ Á BÍÓ STÖÐINNI

### BÍÓ TOPPMYNDIR Kl. 22.00 alla daga



FIMMTUDAG  
CONTAGION



LAUGARDAG  
HUNGER  
GAMES



MÁNUDAG  
WATER FOR  
ELEPHANTS



SUNNUDAG  
X-MEN:  
FIRST CLASS



ÞRIÐJUDAG  
ARN - THE KNIGHT  
TEMLAR



FÖSTUDAG  
KICK ASS



SPORT

LIÐIÐ MITT  
Kl. 19.30 föstudaga

Liðið mitt er þáttaröð um íslenskan körfuknattleik í umsjón Sverris Bergmanns.

## NÝ ÞÁTTARÖÐ UM ÍSLENSKAN KÖRFUBOLTA

Sverrir Bergmann gerir víðreist í vetur í nýrri þáttaröð á Stöð 2 Sport sem ber heitið Liðið mitt. Þar heimsækir hann öll liðin í Dominos-deild karla í körfubolta en Stöð 2 Sport mun einnig sýna tíu leiki frá deildarkeppninni í beinni útsendingu í vetur. Sverrir heimsækir öll tólf liðin og fylgist með leikmönnum á æfingum, heimsækir leikmenn í vinnuna, tekur stuðningsmenn tali og sprellar með leikmönnum á æfingum. Fyrsti þátturinn var sýndur í síðustu viku en þá heimsótti Sverrir lið KR-inga. Næsta föstudag heimsækir hann bítlabæinn Keflavík en lið heimamanna hefur verið afar sigursælt undanfarna tvo áratugi.

„Þetta verða mjög skemmtilegir og léttir þættir. Markmiðið er að kynna félögum og leikmönnum á skemmtilegan hátt. Yfirleitt er einn leikmaður í hverju liði í aðalhlutverki og í Keflavík verður það gamla kempan og fyrirliðinn Magnús Gunnarsson. Hann fer

meðal annars í þriggja stiga keppni, tekur Asna við Guðjón Skúlason og keppir í einn á einn við kærustu sína, Pálinu Gunnlaugsdóttur, leikmann Grindavíkur. Við heimsækjum líka ungan heimamann, Hafliða Má Brynjarsson, en hann er sonur körfuboltakempunnar Önnu Maríu Sveinsdóttur úr Keflavík.“

Í þættinum þar á eftir verður lið Stjórnunnar úr Garðabæ heimsótt en sex fyrstu þættirnir verða sýndir fyrir júl. Eftir áramót verða hinir sex þættirnir sýndir. Sverrir á von á skemmtilegum vetri, ekki síst vegna þeirra breytinga á reglum að nú má bara einn erlendur leikmaður vera inni á í einu. „Þetta þýðir að liðin stóla enn meira á íslenska leikmenn en áður. Ungir leikmenn fá frekari tækifæri enda tala þeir mikið um breytingarnar og sjá strax muninn frá síðasta vetri. Það er því verið að búa til nýjar íslenskar körfuboltahefjur.“

## Í LEIKHÚS MEÐ STÖÐ 2 VILD

Nú býðst áskrifendum Stöðvar 2 sem skráðir eru í Stöð 2 Vild að skella sér í Borgarleikhúsið á góðum kjörum.

Stöð 2 Vild verður í samstarfi við Borgarleikhúsið í vetur og býður góðan afslátt af ýmsum sýningum og tilboð á gjafakortum.

Fyrsta sýningin er Mýs og menn sem var sett á svið aftur eftir sumarfrí þann 11. október. Þeir sem skráðir eru í Stöð 2 Vild geta fengið 25 prósentu afslátt af miðum á fyrstu tíu sýningar verksins. Afsláttarverðið er 3.500 krónur en fullt verð er 4.750 krónur.

Barnafjölskyldur geta einnig tekið gleði sína þar sem áskrifendur í Stöð 2 Vild fá góðan afslátt af sýningum Skoppu og Skrítlu á Nýja sviðinu. Leikrit þeirra stallsystra verður frumsýnt þann 16. nóvember.

Þungarokksleikhús hljómsveitarinnar Skálmaldar verður frumflutt á Stóra sviði Borgarleikhússins 27. mars á næsta ári. Áskrifendur



Sýningin Mýs og menn hefur hlotið afar góða dóma.

í Stöð 2 Vild fá ríflega 25 prósentu afslátt af miðum á fyrstu fimm sýningar verksins. Afsláttarverðið er 3.500 krónur.

Stöð 2 Vild gerir áskrifendum sínum einnig kleift að gleða aðra. Þannig er veittur

2.000 króna afsláttur, eða ríflega tuttugu prósent, af almennum gjafakortum fyrir tvo í nóvember og desember. Afsláttarverð er 7.500 krónur.

Nánari upplýsingar um verkin er að finna á [www.borgarleikhus.is](http://www.borgarleikhus.is).